


# GE.A GAMANIO DONGRIKGIPA BAKRANGKO SO.ANI NAMGIJANIRANG.

Ge.a gamanio dongrikgipa bakrangara mi raani jamano a.barango ba baganrango dongrik-gipa jabolrang ong.a. Bilsiantian hajalni hajal a.barango ge.gipa mia misirang aro cha.anirangko baribatrikrike ge.anichi a.barango jabolrangko ong.ata jakai mikelrang, mi gatengrang, bijakrang, bitchil bikaprang, narikel bidangrang, gri jetgimin ga.tengni dongrik-sparang aro u.gitarang. landakgipa dongrikspagipa jabolrang bangdugaanichi, gamgiprangna indakgipa jabolrangko simsakna altubea ong.ja.

Rakarini somoio, jensalo mirangko ratmiting somoio bang.bea migilrang ong.kata jekon taraken dape galna nang.a. Gamgiparang migilrangko chimonge uko wa.alo so.a aro ian altu-batsranggipa dape galani cholde ong.a jeon mamung nanggijagipa jabolrangko ong.katatja. In-dioba iandake dakaniara an.chingni samtangtango dongenggiparangna namgijaniko ra.baskaa.

- Ge.a gamani dongrikgipa jabolrangko so.anichi an.chingni a.jao donggipa a.sal gnanggipa a.arangna aro chirangna namgijani ong.a.
- lara amitimrangkoba nosto ka.a me.gapni carbon, nitrogen aro sulphur bon.e kamtoka haon an.chingni dongchakenggipani balwakoba iarangko so.anichi nosto ka.a.
- Ramram samsam migilrangko so.anichi bang.bea namgijagipa balwarangko an.chingni dongchakenggipa biapo ong.ata. larangara namen namjabegipa bibarang jekai methane carbonmonoxide u.gitarang. Ge.a gamanio dongrikspagipa jabolrangko so.anichi namen seenggipa aro bisigrakgipa balwarangko bariata.
- landakgipa balwarangara be.enni an.sengbaljokaninaba kenmanani gngang. Rangsitanio neng.nike sagiparangna, bronchitis ru.utaoni sae dongenggiparangna aro ka.sopni kam ka.anirangkoba komiata.
- lara amitimrangko nosto ong.atanichi a.ao a.sal gnanganikoba komiata. Kosakgipa a.ani bako nangchongmotgipa amitim ba a.salrang jakei nitrogen, sulphur, potassium komianichi ge.e cha.na a.salrang komia aro ru.uta somoirangna ge.e game cha.na man.ja.
- Jensalo ge.a gamanio dongrikgipa bakrangko soa. Unon a.o donggipa amitimrang nosto ong.atako man.anichi bilsipino ge.e game cha.anikoba champenga gita ong.a.
- Ge.a gamanio dongrikgipa jabolrangko so.aniara ge.gipa gamgipa biapo ia neng.nikaniko ong.ata jeon a.ani nambatsranggipa amitimko ra.gale gala gita chacha ong.a. Ge.gipa gamgipa biapni a.paloara iarangko ong.atskaa jeon Mandeni an.seng baljokanina neng.nikani ong.a jekai gusuani, rang.sitanio neng.nikani, mikron aro be.en bigilni sabisirangko namja batroroaona sokata.
- So.gimin migilrang ba ga.tengrangni ong.katgipa bibarang an.chingni dongchakenggipa biapko aramni simgopa ba andalgopa gita ong.ate nika nianirangkoba champenga aro rama sorokrango namgija a.selona sokatanaba altuabea.



# GE.A GAMANIO DONGRIKGIPA BAKRANGKO SO.ANIKO KOMIATANI MINGGIPIN CHOLRANG.

1. Ge.a gamanio dongrikgipa bakrangko chalaianiara mamung samrangko jakkalgija ge.a gamani bidingo mingsa mongsonggipa bak ong.a. Ge.a gamanio dongrikgipa bakrangko chalaiani miksonganiara batanggimin bilsio ge.giminrangni dongrikgipa bakrangko a.ao donrike gamanian ong.a. Uan a.ako ganggija rakkianiko miksonga, a.ako balwa balgalaoniko champenga, a.sal gngangata, a.ako chijime rakkia, a.a-ning.ona chi sipanganiko nambatata, a.ao balwa chipata aro a.ako ge.a gamanina kragipa ong.atanio dakchaka.
2. Ramramari ge.ronggipa mi misirangni dongrikgipa bakrangara an.tangari a.sal ong.ani mingsa cholsan ongaigija gerikrikgiparangna cha.ani ong.a. Un baksana a.a, chi, aro balwani gadangko nambatata.
3. Chonchongipa jo.ongrang dongimin obostarango janggi gnganggipa bakrangko soata ba jrongata aro ian ong.telaigipa ong.a. A.ana a.salko on.ara uo janggi gngangi parangko aro a.anirang ba amitimko nambatata aro ian ge.a gamanio samrangko aro jo.ong siatgipa samrangko jakkalaniko chu.gimik bodolatskana ba sretatskana man.a.
4. Ge.a gamanio dongrikgipa bakrangko jillanirangna cha.ani gita jakkalna man.a.
5. Bolchi pindapaniara ratgimin mini ga.tong, bigil, ran.gimin samsirang, bolplengrang, ran.gimin bol bijakrang, bol ratani biginchi ba uandakgiparangko manchapa. landake bolchi pindape donaniara namgijagipa samsirangni jadilrangni cha.aniko champenga, a.ako chijimata maina uarangni bakrangko be.kningate a.ako a.sal gngangata.
6. Ge.a gamanio dongrikgipa bakrang jekai ran.gimin bolni bijakrang aro samsirangko sal 18 ni gisepo a.sal tarina jakkalna man.a (Berkeleyni a.sal) Berkeley-ni a.sal bang gija somoirangni gisepo a.sal ong.atanio dakchaka aro uan ong.telaigipa bakrangon-iko ding.aniko jaga sal dongrikgipa bakrangko soatanio ba jrongatanio tarakbatatna dakchaka.



Published by:

Agriculture Information Wing | Directorate of Agriculture | Lower Cleve Colony | Shillong-793003 | Meghalaya | India